

الحجاب ليس من الاسلام  
وهي الادلة على ما ازعم .



## الحجاب

من زمان بفكر اعمل مقطع عن الحجاب ، وكنت بكل مره بتردد بدخول بهيك موضوع .

عشان المجتمع عمل نوع من القداسة لكل ما هو مغطه . بل وصل للبعض انهم يعبدوا القماش اكثر من عبادة الله والبعض بوصل فيهم الحد للقتل لمجرد انهم عندهم بنت رفضة ((الحجاب))

وعشان الفعل اصلا غبي وما بطلع من انسان عاقل صار البعض = (( وهم الاكثرية )) يتحججوا بالدين عشان يرضوا عنفهم وغباءهم .. فللاسف كثير شيوخ سمحوا (( باسم الدين )) على اجبار البنت على الحجاب بالقوة! ومش لازم تكون ذكي عشان تطلع على الواقع حوليك وتشوف حال كل بنت بتحب بس تشيل هاي القماشة عشان اصلا من البداية هي تم فرضها عليها !

ومن المفارقات العجيبة بالمجتمع انه بدافع عن حق البنت بلبس الحجاب والنقاب سواء كان الموضوع عن بحث واقتناع او لا بحارب فرنسا عشان حق المرأة في الحجاب ،

في المقابل الحجاب يتم فرضه بالقوة بدون اخذ رأي البنت ، ممكن تتخيل انه حتى انا بعرف كثير بنات ملحدات محجاب بل منقبات ..

وعشان الموضوع كمان بمثل سيطرة تيار الديني كان هو اهم عندهم حتى من توحيد الله ، فانا اكاد اجزم انه اكثر موضوع كتبوا في الشيوخ هو الحجاب اكثر موضوع نادوا فيه الحجاب ..

السبب غير هيك من عمل هيك مقطع انه ما حد يزايد على كل بنت بدها تشيل الحجاب ، وما حد يزايد على كل شب شايف انه الحجاب مش فرض ، عشان الموضوع مش مبني على مجرد شهوات لا الموضوع مبني على اساس (قال وقال رسول الله) واحنا لدينا الحجة التي نعتقد انها صحيحة وانا شخصيا مستعد اقابل الله وانا بعتقد انه الحجاب مش فرض على اساس الامور اللي راح اطرحها بهذه المقطع .

وإذا كان الأمر مجرد اتباع شهوات ف اظل مع  
الشيوخ احسن الي ،فالشيخ راح يدافع عني لما  
اتجوز 4 نساء وراح يدافع عني لما يكون عندي  
ملك يمين ( عبدة جنسية والعدد لا نهائي ) فبلاش  
من لعبة الشهوه هاي عشان الامر بخص البحث لا  
اكثر )

وراح اكون صادق الموضوع وتحضير لهيك مقطع  
ماكان سهل ، فانا راجعت في البداية كل كتاب  
بدافع عن فرضية الحجاب زي كتاب سامي عامري  
الحجاب شريعة الله في الارض ، وكتاب صهيب  
السقار جدلية الحجاب . وهضول اشهر الكتب بهيك  
مجال وبصراحة ما طلعت منهم غير باقتناع اني  
على حق . ولازم انوه اني راح بهذا المقطع استدل  
بكلام رجال دين معروفين وعندهم تخصص ،  
وبعض الباحثين في المجال مش شرط يكونوا  
اصحاب تخصص . ومن هسه اذا عندك مشكلة مع  
اي شخصية او مع اي حد فيهم هذا الامر لا يعني  
لي اي شيء فانا هون بستدل بمساهمة الشخص  
وفي الاغلب راح يكون درس العلم الشرعي

خاينا نباش

اولا

ماهو الحجاب في القران ؟

الحجاب في القران غير مذكور بمعنى لباس .

بل الحجاب المذكور فقط هو الحاجز ، وفي

اغلب النصوص هو فقط يخص نساء النبي .

(( ايات الحجاب بيحيوا لما تحكي الكلام هذا

فوق ))

وطبعا نساء النبي لا يصح جعل اي حكم ينزل

بهم مقياس على كل نساء المسلمين ، فالقران مثلا

ذكر ان العذاب على النساء النبي اكثر من غيرهم

ولايجوز لهم ان يتجاوزوا بعد النبي . والكثير من

الاحكام التي تخصهم فقط لا غيرهم .. والشيخ

محمد عبده وضح هذا الامر لما تكلم عن ملابس

المرأة المسلمة ، انه كل الادلة بهذا الباب تخص

نساء النبي - ومعلومه على الهامش كان الشيخ

محمد عبده بشوف انه النقاب مافي دليل عليه من

القران ... ومدام حكيت عن النقاب في كمان كثير  
شيوخ ومفكرين بشوفوا انه مش من الاسلام زي  
كمان قاسم امين اللي كان يشوف انه النقاب مش من  
الاسلام ، ومحمد عبده وكمان قاسم امين واغلب  
المشايع اللي كانوا ضد فكرة النقاب ، واللي شافوا  
انه هاي الايات تخص نساء النبي كلهم اكلوا فكرة  
الاختلاط نعم زي ما سمعت الاختلاط حلال ولكن  
بشروط طبعا ... وهذا موضوع هامشي حبيت اشير  
عليه .

فالنتيجة الاولى التي نصل لها ان جميع ايات  
التي ورد فيها جملة " الحجاب " بشكل صريح  
كان المقصود بها هو الحاجز ((الباب)) وهي ايات  
خاصة بنساء النبي لا غير .

طيب هسه انت بتسال حالك ممكن ، اذا كان  
الحجاب مش مذکور بشكل واضح فمن وين  
استنبطوا الادلة على الحجاب ...  
هو في الحقيقة استدل على فرضية الحجاب  
على عددة امور

1- بعض الايات اللي راح نحكي عنها كمان  
شوي ولكن ولا اية صرت باسم الحجاب  
2-

2- بعض الاحاديث وفي الاغلب كلها  
تتمحور حول افعال الصحابة عشان انا  
دورت عن حديث صحيح بحكي في النبي  
عن الحجاب ومالقيت بصراحة ولا حديث  
ولكن هاي من ادلتهم

3- الاجماع نسبة كبيرة من المسلمين شايفين  
انه مدام اغلب الناس قالوا انه الحجاب من  
الدين فهو من الدين، بغض النظر عن  
الادلة خلص الاغلب قالوا هيك فاحنا

سمعن وطاعه وبرضه هاي حجة راح  
نرد عليها بالمقطع .

الايات التركيز بالنسبة للقران هو محصور ممكن  
نحكي على ايتين فقط ، ومافي غير هضول الايتين  
اللي ممكن نعتبرهم العمده بهذا الامر ، الاية الاولى  
بصورة الاحزاب  
بتقول :

يَا أَيُّهَا النَّبِيُّ قُلْ لَأَزُوجِكُمْ وَبَنَاتِكُمْ وَنِسَاءَ الْمُؤْمِنِينَ  
((يُدْنِينَ عَلَيْهِنَّ مِنْ جِلْبَابٍ لَّهُنَّ)) ((ذَلِكَ أَذْنَىٰ أَنْ  
يُعْرَفْنَ فَلَا يُؤْذَيْنَ))

وهون لازم نوقف شوي ونركز بكلام الله  
الامر الاول في سورة بقول 1- يدنين عليهن ، يعني  
ينزلوا عليهم وهذا المعنى الدارج ، ولكن الاية لم

تحدد لوين لازم انزل ؟ هل بزبط يكون التنزل او  
الادناء لحد مثلا بطني ؟ هل مثلا بزبط يكون مجرد  
قميص يعتبر ادناء ؟ الاية ما حددت لوين الادناء !  
بلاقي مثلا بعض المفكرين اليوم زي الاستاذ محمد  
صاحب الكتاب والقران – بقول بكتابه ( انه الادناء  
هو اي ملابس تعتبر ادناء )

طبعا خلينا نوقف شوي ممكن انت هسه تقول كيف  
بتستشهد بواحد زي محمد صاحب الكتاب ؟ برد  
عليك وبقلك انه قضية التفسير ليست ملزمة يعني  
انت بدك توخذ تفسير اي انسان هذا حقك ، ولكن ما  
بطلع ليك تلزميني باي تفسير وهذا مش كلامي  
الشيخ الشعراوي بمقدمة التفسير قال بالحرف انه لا  
احد يمكن ان يفسر القران عشان ببساطة القران لو  
كان يتفسر كان النبي فسر مش تركه بدون تفسير ،  
وهي مجرد خواطر بتخطر للانسان انا كشادي  
مرتاح لكلام المهندس محمد واخذت فيه انا كشادي  
ماعلي اشي عشان اخذت الفهم اللي بريحني. وانت  
بدك توخذ انه الحجاب فرض حسب تفسير ثاني  
انت حر انا مالي ومالك...

المهم انكمل المهندس المحمد بقول ان اي لابس  
يعتبر ادناء ، يتفق مع هيك كلام برضه الاستاذ  
سامح عسكر وهو مفكر اسلامي حدائي بشوف نفس  
الامر وكمان صاحب كتاب حقيقة الحجاب  
للمستشار العمشاوي كان نقاش نفس الاية وقال انه  
يعتير اي لابس يستر الجسم بهاي الاية ...

الامر الثاني بالاية وهو : ذَلِكَ أَدْنَىٰ أَنْ يُعْرَفَ فَلَا  
يُؤْذِنَ

وهون العمده بالاية

الاية هون بتقول ذلك ادنى ان يعرفن ، طيب سؤال  
ينعرفوا بشو ؟

ببساطة بنرجع لتفاسير القديمة وبلاقي اغلب  
التفاسير بتحكي انه ينعرفوا انهم مش اماء !!

طيب شو هي الاماء ببساطة قبل الاسلام وحتى بعد  
الاسلام كان يصير قتال بين المسلمين وغير  
المسلمين وكان من عادة العالم ومنهم المسلمين اذا

فازوا بالقتال يواخذوا نساء العدو عبيد .. ومن  
العبيد في الاماء وهو النساء ، وهضول النساء  
يجوز للمسلم او سيدها يمارس الجنس معاها هذا  
الكلام من التاريخ الاسلامي وذكور بالقران ..  
الاية ببساطة بتحكي لنساء المسلمات من غير العبيد  
انه تلبس لبس معين عشان يعرفوا الناس انها مش  
من العبيد هضول ، انه هاي البنت ما حد يقرب  
عليها هاي مش عبده .. عشان كان الفساق يأذوا  
الاماء ...

يعني لبس اللي بحكوا انه حجاب السبب فيه طبقي،  
بل حتى كانوا النساء يمشوا وهم مكشوفات الصدر  
فالحديث انه اماء عمر كانوا كاشفات صدورهم ،  
وفي حديث ثاني عن ابن عمر كمان انه كان يمس  
صدور النساء من الاماء ..

هذا السبب الاول السبب ثاني هو الحمام ، زي ما  
انت سامع الصبح الحمام، حسب كمان بعض  
الاحاديث الصحيحة كانت سودة في مكان خالي  
بتعمل زي الناس ، فشافها واحد من صحابة وقال  
شفناكي يا سودة ،، بعدها على ما اعتقد اجي

الصحابي وقال لنبي حجب نساءك وهون نزلت اية  
الحجاب حسب الحديث !!

يعني بنفهم من كل ما سبق

- 1- الاية نزلت عشان وضع اجتماعي
- 2- نزلت عشان الحمام
- 3- طيب السؤال هسه مافي عبيد وفي حمامات  
هل البنات اليوم ملزات بالحجاب مع انه  
السبب راح ؟ اليوم اسأل اي مسلم ليش مافي  
عبيد اليوم او ملك يمين راح يقلك عشان  
مافي حرب ، طيب على نفس المنطق مافي  
ملك يمين ليش الحجاب و ليش التفريق بين  
البشر مدام انتهى ??

## الاية الثاني من صورة النور

( وَقُلْ لِلْمُؤْمِنَاتِ يَغْضُضْنَ مِنْ أَبْصَارِهِنَّ وَيَحْفَظْنَ  
فُرُوجَهُنَّ ) (وَلَا يُبْدِينَ زِينَتَهُنَّ إِلَّا مَا ظَهَرَ مِنْهَا )  
(((وَلْيَضْرِبْنَ بِخُمُرِهِنَّ عَلَىٰ جُيُوبِهِنَّ))) ((لحد ))  
يَضْرِبْنَ بِأَرْجُلِهِنَّ لِيُعْلَمَ مَا يُخْفِينَ مِنْ زِينَتِهِنَّ ۗ

النور

بلاقي بهاي الاية مجموعة اوامر الاول

وَلَا يُبْدِينَ زِينَتَهُنَّ إِلَّا مَا ظَهَرَ مِنْهَا

هون بلاقي انها الاية بتذكر وجود زينة ظاهرة  
واذا كانت في زينة ظاهرة يعني في زينة مخفية،

هون المهندس محمد بفسر الزينة الظاهرة وهي  
كل ما خلقه الله في جسد المرأة زي الرأس  
والبطن والظهر واليدين .الغير ظاهر هي الامور  
اللي الله اخفها وهي الجيوب وهي الفتحة اللي

ليها طبقات ، فبصير حسب فهم المهندس هون  
انه المطلوب من البنت تغطي الزينية المخفية  
وهي الصدر فقط هي الجيب وكمان الابطين  
ص606

بلاقي كمان جمال البنا في هاي الاية بنقل كلام  
العلماء المسلمين في تحديد الزنية وبنقلك انه بعض  
علماء المسلمين بل حتى بعض من المالكية تعتبر  
تبين نص الشعر ونص ذراع وساق عورة ومخففه  
(جمال البنا هون )

بعدها بتكمل الاية وبتقول :

وَأَيُّزِرْنَ بِخُمْرِهِنَّ عَلَى جُيُوبِهِنَّ

وهذا الجزء من الاية برضه هو المفتح ، اغلب  
التفسير هاي الاية ذكروا انه نساء العرب قبل  
الاسلام كانوا يلبسوا (( غطاء )) على راسهم ،  
عشان تحمي نفسها من الشمس ، وبنفس الوقت كانوا  
يكشفوا صدورهم ، فالاية هون طلبت من النساء  
تغطي صدرها تضرب غطاء الراس على صدرها

... يعني الاية ذكرة اشى كان موجود بثقافة العربية  
ولكن لم يأمر به .

نعطي مثال اوضح

بذكر القران انهم الكفار قالوا عن النبي انه مجنون  
، هذا لا يعني انه القران اقر هيك اشى انه النبي  
يعني حاشا مجنون لا هي ذكرة اشى صار وكلام  
صار نفس الاشى هون ذكرة الاية لبس العرب  
زمان وكيف ربنا طلب من البنت تغطي صدرها ..

فبصير الامر بهاي الاية فقط للحصر هو تغطية  
الجيب فتحت صدر .. وهذا رأيي جمال البنا ، بل  
حتى كمان الشيخ عدنان ابراهيم على قناة روتانا  
لمح انه ممكن الحجاب وانا اقصد هون غطاء  
الراس ، ممكن الاجتهاد فيه بحجة التاريخ زي مانا  
حكيت هسه ، يعني عدنان ابراهيم كمان بشوف انه  
ممكن الانسان يجتهد هون ويفهم نفس فهمي .

اخر جزء من الاية بقول :

يَضْرِبْنَ بِأَرْجُلِهِنَّ لِيُعْلَمَ مَا يُخْفِينَ مِنْ زِينَتِهِنَّ

وبهاي الاية بنرجع لتفسير كتاب ( الكتاب والقران بلاقي بقول بعد شرح طويل ) انه معنى الاية انه المرأة لا يجوز لها ان تعمل باي عمل بظهر جيوبها (صدرها ) زي مثلا البغاء او الرقص اللي في تعري ، وطبعا بشرح شرح طويل لا يعنيني لمعنى الضرب بالقران وما الى ذلك ممكن تراجعوا او توقفوا الشاشة هسه وتقروا ) (613)

بنفهم من كل ما سبق من الايات انه المطلوب من المرأة فقط واغلب الحداثيين والمفكرين عليه انه المرأة فقط تغطي صدرها ، ويفضل كمان تلتزم الحشمة يعني يكون لبسها ساتر برضه وهذا الامر من وجهة نظري ممكن مش لازم حجاب ونقاب .

يعني هذا هو المطلوب من المرأة بالنسبة للقران ..

هسه خاينا نشوف المصدر الثاني لتشريع وهو  
السنة ..

راح اكون صادق مع الجميع اني ما لقيت اي دليل  
قوي بالسنة على فرضية الحجاب ، والسنة زي  
ماهي معروفة هي ((اي قول أو فعل أو تقرير ))  
الغريب انك بموضوع الحجاب بذات ما بتلقي اي  
قول او فعل لنبي عن الحجاب ، اغلب اللي بتلاقي  
هي افعال الصحابة وافعال الصحابة للاسف مش  
حجة ، فالصحابي ليس نبي ومابوخذ وحي ، هو  
بالنهاية ممكن يحكي وجهة نظروا مش اكثر من  
هيك ، اما انه ينزل بوحي ثاني فلا معلى ..

لو كان عنجد الحجاب فرض من الله كان النبي  
وضح هاي الامسئلة بشكل ما بخلي فيها لبس عشان  
النبي بنص القران مطالب منه يبين لناس

(وَأَنْزَلْنَا إِلَيْكَ الذِّكْرَ لِتُبَيِّنَ لِلنَّاسِ مَا نُزِّلَ إِلَيْهِمْ وَلَعَلَّهُمْ  
يَتَفَكَّرُونَ )

فموضوع غريب انه ما بين هيك قضية اليوم احنا بنتكفر عشانها ..

ومع هيك كمان ، في مشكلة ثانية وهي قضية الاحاد طبعا الاحاد وحجية الاحاد هي قضية خلافية بين الفرق الاسلامية بعض الفرق بتوخذ بالاحاد بأمور الاعتقاد والآخر لا ولكن اللي بهمني وبهمك انه حديث الاحاد بيق ظني يعني بظل في احتمال حتى لو كان 1% انه غلط ..

فلازم مدام احنا مثلا بنتكفر عشان موضوع الحجاب لازم يكون في احاديث متواتر على الاقل على الحجاب ،، وهذا الامر غير موجود ..

الشيخ محمود شلتوت بنقل كلام مجموعة من العلماء في هيك قضية وبوصل بالنهاية ويقول لا يوجد اي حديث متواتر في سنة الى حديث واحد من كذب علي متعمدا .. مافي يعني هيك بنفهم ولا حديث واحد متواتر عن الحجاب فكيف بتكفري .

الشيخ نفسه محمود شلتوت بكتاب ثاني يقول لا يكفر من ينكر الاحاد ..

يعني هسه مافي دليل بسنة من قول او فعل لنبي  
على هيك لبس ..

وزيدك من شعر بيت ، حتى لو كان في حديث  
كمان لا يكفي ذلك !!!

ليش ؟

عشان النبي احيانا كان يجتهد من نفسه ! فلازم  
كمان الحديث اللي عن ملابس المرأة يكون كمان  
صريح انه وحي من الله

فالسنة في اكثر من حديث النبي اجتهد من نفسه !

مثلا

1- حديث النبي قال وجهة نظروا بالنخل وخراب

المحصول ، وقال لناس اتهم اعلى بشؤون  
دنياكم

2- الحديث الثاني بخص الضب ، فالنبي شاف

الصحابة بوكلوا الضب وبعدها استغربوا  
الصحابة ليش النبي ما بوكل فكروا انه حرام

! لحد ما واحد سأل النبي والنبي صرح انه  
حلال ولكن هون ما بحبه ببساطة !!

يعني المطوب حديث متواتر، بصرح في النبي  
انه الامر تاعه هذا بذات بوحى ... اعتقد انه  
شروطي عادية مدام الموضوع في جنة وفي نار  
وفي حد ردة في لازم يكون اوضح من هيك ....

مع هيك في شوية امور بستدل فيها بعض الناس  
عشان يحكولك عن الحجاب زي حديث :  
ونساء كاسيات عاريات مميلات مائلات رؤوسهن  
كأسنمة البُخت المائلة لا يدخلن الجنة ولا يجدن  
ريحها.

وهذا الحديث ما بعرف وين الدليل في على فرضية  
الحجاب ؟

يعني وين الشرح الخاص بلبس تاعكم ؟ واسع  
فضفاض ؟

ومين قلقك انه المقصود هون الحجاب ؟

ممکن الایة بتحکي عن اشي لسه ما صار بزمان  
تاعنا الحديث مش واضح باي اشي وما في اي  
تفاصيل ، بل حتى يعني المشهد بخليك تحس انه  
بتكلم عن النساء اللي في النوادي الليلي او اللي  
بعملوا رقص التعري مثلا مش نساء عاديات ...

فالحديث حتى لو كان صحيح ما بدل على هيك ..  
وزيدك من شعر بيت انه هذا الحديث مختلفين على  
صحته .. ا

الشيخ الغامدي اللي كان مسؤول عن الامر  
بالمعروف والنهي عن المنكر بسعودية سابقن  
والمختص بعلم الحديث صرح بواحد من  
التغريدات انه هذا الحديث ضعفه جماعه من العلماء  
!!!

وبغض النظر عن رأيك بهذا الانسان او باي واحد  
بذكروا بالمقطع ركز بالحجج مش بالاشخاص ولا  
تكون مشخصن !!

وفي حديث ثاني كمان البعض يستدلوا عليه وهو  
حديث اسماء وهو اوضح حديث بالموضوع وهو  
برضه ضعيف !!!

الخلاصة مافي دليل بالاحاديث على هيك فرضية

الحجة الثانية هي الاجماع

بالنسبة لموضوع الاجماع

فهو يعتبر مغالطة منطقية بالمنطق اسمها ( التوسل  
بالاكثرية ) انت مش عارف تثبت كلامك فعشان  
هيك بتقول اغلب الناس معي فاكيد انا صح ، مع  
انه حسب هذا المنطق المسيحية صح عشان اغلب  
الناس عليها !!

والمضحك بقضية حجة الاجماع انه الاجماع نفسه  
!!

ماعليه اجماع وهذا امر جداً مضحك ،،فمن شروط  
الاجماع حسب الشيخ حسن سقاف  
لازم يكون بجماع كل الفرق الاسلامية  
وهذا لم يحصل على الاجماع كحجة  
فبنقل الشيخ ابو زهرة بكتابه تاريخ المذاهب  
الاسلامية

انه بعض الفرق الاسلامية رفضت فكرة الاجماع  
زي المعتزلة وكمات الشيعة الاثنا عشرية على ما  
اعتقد وكمات مجموعة من العلماء !!  
فالاجماع اصلا كحجة ماعليه اجماع !!

بل الاجماع اصلا اللي اجى في وهو الامام الشافعي  
خالف الاجماع !!

ابن تيمية برضه خالف الاجماع ونسجن!  
الصحابه حسب الشيخ الصعيدي خالفوا الاجماع  
بعض

وفي قول مشهور جداً للامام احمد بقول فيه : من ادعى الاجماع فقد كذب !

ويقول الشيخ محمود شلتوت انه ما يعرف اشى  
اختلفوا عليه المسلمين زي ما اختلفوا على الاجماع  
!!

ومن القصص الغريبه في هذا الموضوع

انه في قصة بتحكي انه الامام الشافعي انسال عن  
الادلة من القران على الاجماع ،ولما انسال ما عرف  
يجابوب فراح على بيته وظل 3 ايام يدور عن دليل  
على الاجماع !!

غريب انه اصل من اصول الدين في حويليه كل هذا  
الغموض !

بل القران حتى ينتقد الاجماع فذكر القران انهم اهل  
الكتاب اتخذوا احبارهم و رهبانهم ارباب بدون الله  
- سمع واحد من صحابة هاي الاية وقال لنبي انا  
كنت مسيحي واحنا ما بنعبدهم قال النبي انه مش  
خلوا الحلال حرام والحرام حلال ! انا اسف بس

مش شايف فرق بين فعلكم وفعل اهل الكتاب  
..والقران كتاب انتقد الاكثرية لو تبحت عن  
الاكثرية بالقران راح تلاقي دايم انها بذكورة  
بطريقة سلبية مش ايجابية

وبعدين الاجماع حتى لو وقع هذا لايعني انه يظل  
ثابت ، مثلا الازهر زمان كان محرم فوائد البنوك  
اليوم اه ، زمان كان مع ختان البنات اليوم هاي  
جريمة ، كانوا ضد الطباعة واليوم معاها وكثير  
شغلات ذكرها الاستاذ سعد دين الاهلالي على  
حساب في الفيس بوك .

وغير هذا الكلام كله الحجاب نسبي ، يعني ممكن  
الاجماع يصير بمكان وبمكان ثاني يصير عكسه  
مع ناس ثانيين ، مثال المعازف اجمع فقهاء المدينة  
على حل المعازف ومجموعة من صوفية هذا كلام  
الامام الشوكاني في نيل الاوطار المجلد 8 بنفس  
الوقت في اجماع ثاني للامذاهب الاربعة على الحل

!!

وبنفس الوقياسكم هذا اليوم كمان في اجماع عند  
الحدائين على انه الصدر هو المطلوب تغطيته  
واليوم في كثير اسماء وباحثين شيوخ وعلماء دين  
وغير علماء دين بحكوا بهاي الحجة..  
من العلماء اللي بحكوا انه الحجاب مش فرض  
اسلامي

عدنان ابراهيم معاه دكتوراة بشرية  
صرح على قناة روتانا انه ممكن الاجتهاد  
بالحجاب، وكان يقصد غطاء الراس بحجة انه  
الامر كان تابع للعرف .

سعد الدين هلاي حاصل على درجة الأستاذية  
وأشرف وناقش العشرات من رسائل الماجستير  
والدكتوراه

ودرس اغلب الشيوخ المعروفين اليوم، منهم عبدالله  
رشدي .

بشوف انه غطاء الراس قضية خلافية

السيد رحمانى

درس اصول فقه في الازهر

بشوف الحجاب مش فرض ، غطاء الراس

وعنده كثير ردود على حسابه بالفيس بوك على كل

من يدعي انه الحجاب من الاسلام ، ومن اهم

الحجج عنده قضية العبودية .

محمد عبد الله نصر

درس اصول فقه ، بشوف الحجاب مش فرض

احمد الكاتب

من اعلام الاصلاح الديني في العراق ، وهو على

المذهب الشيعي .

بشوف الحجاب ممكن الاجتهاد فيه بحجة العرف .

هسه خلىنا نشوف المفكرين

الفه يوسف

كاتبة ومؤلفة بتشوف الحجاب مش فرض

جمال البنا فقيه اسلامي

واللي اعتبر جمال البنا فقيه مش انا بل الشيخ احمد  
الغامدي

جمال البنا من اشهر الناس اللي رفض فكرة  
الحجاب

المستشار عشاوي وكمان المستشار احمد عبده  
ماهر

الاثنين بشوفوا الحجاب مش فرض

شحرور وكمان صبحي منصور

بشوفوا الحجاب مش فرض بل هو متروك للعرف  
فرج فودة

من الكتاب المعروفين بالامور الاسلامية ، بشوف  
انه لا يوجد دليل على الحجاب .

هل بزبط نعتبر كلامهم اجماع كمان مدا ليهم  
مساهمات فكرية في المجال؟ وبعضهم اصلا مشايخ  
وعلماء؟

وعشان ما اضيع وقتكم في قضية الاجماع عشان  
الكلام فيها بطول ، في مقال للمهندس محمد رضا  
في موقع ساسه بوست عن قضية الاجماع بدعو  
الجميع يقرأ المقال

الحجة الاخير من قال هذا من العلماء!!

وهي صراحة اتفه حجة

عشان انت بتخلي الانسان اللي قدام يحس انك مش  
ناوي تفكر ، وبدك حد يفكر عنك .

نفس الاشي صار مع ابن تيمية لما اجى بمور  
جديده زي ما بنقل الشيخ الصعيدي ويقول انه اجداد  
الازهر حبسوا ابن تيمية عشان اجالهم بالجديد .

نفس الاشي صار مع اغلب علماءهم زي الشيخ  
الالباني المحدث ، لما قال انه النقاب مش فرض  
صارت عليه حرب كبيرة وكان شرده عليهم ؟

هل انتوا مفكرين اني جبت اشي من عندي ؟

او الامام القرضاوي اللي تهاجم لحد ما قال بس  
عشان بوخذ وجهات نظر ثانية بالدين احيانا او  
عشان كتب كتاب الحلال والحرام ، ، لما كتب هذا  
الكتاب رد عليه شيخ ثاني بكتاب بعنوان الرد على  
الكلب العاوي يوسف !!

الامام الطبري اعظم المفسرين في تاريخ الاسلام ،  
بس قال عن الامام احمد انه محدث . شو صار فيه  
؟ تم رجمه فيه بيته حسب الكتب الاسلامية

الامام ابن حزم تم حرق مكتبته زي ما بنقل الشيخ  
ابو زهرة

فمش عارف اذا هذا حال كبار العلماء وحال  
المسلمين اليوم

كيف بدكم حد يقول قول عكس قولكم ؟

ولكن اذا بدنا نكون منصفين راح اقلك ببساطة لم  
ينقل لنا احد من القدماء هذا القول !!

ولكن لا يعني انه ما وصل لينا انه حد قال بعدم  
فرضية الحجاب انه ما نقال !!

ليش ؟

ببساطة اغلب كتب المسلمين ضاعت حسب التاريخ  
الاسلامي فممكن فعلاً يكون في علماء قالوا هيك  
ولكن كتبهم ضاعت

سيرة اعلام النبلاء فيها سيرة وتراجم لقل من  
4000 شخصية بس في سبع قرون! وهل رقم كثير  
قليل.

وكمان في سيرة كل شخصية بتلاحظ انه في  
شخصيات وعندها كتب مش موجوده اليوم .

كمثال لبعض هل كتب

الفنون لابن عقيل الحنبلي هي حوالي المفروض  
400 مجلد ماوصل منهم هل 400 غير 2 بس !

ابو حامد الغزالي

نقل من الكثير من تلاميذ ابو حامد انه: لو وزعت  
الكتب اللي كتبها كان اصاب في كل يوم كتاب.  
(بالتعبير تاعهم) طيب كم كتاب وصل له الغزالي ؟  
بس 72 فقط المنسوبين له اما باقي الكتب منحوله !

وحبيب قلبي واكثر شيخ بحبه الامام ابن حزم

عنده حوالي عشر مجلدات ضايعة

ابن القيم الجوزية

عنده كتاب اسمه بطلان الكيمياء هل كتاب غير  
موجود اليوم فقط الاسم الموجود.

في كمان مسند كبير كثير اسمه "مسند بقي بن مخلد  
الاندلوسي" ونقل عن هل مسند كثير علماء زي ابن  
حزم بس للاسف هو اليوم غير موجود.

بل حتى واحده من اهم سيرة النبي ضاعت ! اللي  
هي سيرة ابن اسحاق بعد هيك نقل منها ابن

هشام.الشهاد بس انه اليوم مش موجود اشي اسمه  
سيرة ابن اسحاق!

وممكن اذا ظليت احكي لحد يوم القيامة  
ماخلص،ممکن نحكي انه وصل من كتب المسلمين  
حوالي 25 %بس..

هذا الكلام اللي هسه حكيتة انا نقلته من الباحث  
سلطان موسى موسى

## مصادر الفيديو

تفسير الطبري -ابن كثير – تفسير الشعراوي

تفسير شحورور في كتابه الكتاب والقران

- الامام محمود شلتوت

الاسلام عقيدة وشريعة

الفتاوى - دراسة لمشكلات المسلم المعاصر في

حياته اليومية العامة

- الامام محمد عبده الاعمال الكاملة المجلد الثاني

-جمال البنا كتاب الحجاب - المرأة المسلمة بين

تحرير القرآن وتقييد الفقهاء

- الاحكام في اصول الاحكام المجلد الرابع

- حقيقة الحجاب وحجية الحديث لمحمد سعيد

العشماوى

- الحرية الدينية في الإسلام عبد المتعال

الصعيدي

-صحيح مسلم والبخاري

## مصادر الاكترونية

- تغريدة الشيخ احمد الغامدي :

<https://twitter.com/DAhmadq84/status/1030547814676353025?s=20&t=vCmYcxJPD1Fnp6mwnEiP6w>

كلام سامح عسكر في الحجاب باليوتيوب :

[https://www.youtube.com/watch?v=k\\_m\\_S2KqZ448&list=PL\\_4N2BGJcZ-ewwKr2aKmXPphE8gLhmnqs&index=3&t=1103s](https://www.youtube.com/watch?v=k_m_S2KqZ448&list=PL_4N2BGJcZ-ewwKr2aKmXPphE8gLhmnqs&index=3&t=1103s)

كلام فرج فودة في الحجاب :

[https://www.youtube.com/watch?v=13vXbe3Ba4w&list=PL\\_4N2BGJcZ-ewwKr2aKmXPphE8gLhmnqs&index=4](https://www.youtube.com/watch?v=13vXbe3Ba4w&list=PL_4N2BGJcZ-ewwKr2aKmXPphE8gLhmnqs&index=4)

كلام عدنان ابراهيم :

<https://youtu.be/bbJAclBnzeA>

ألفه يوسف: الحجاب ليس فرضا في الإسلام :

<https://youtu.be/nBAeuKaG8js>

احمد الكاتب :

<https://youtu.be/qweg8kAoGDI>

كلام للشيخ محمد عبد الله عبد العظيم نصر:

<https://youtu.be/7HMK-H8Nqjs>

محمد رضا مقال عن الاجماع الإجماع.. صرخ  
بنوه من خيال ج(1)

<https://sasapost.co/opinion/ijma-a-structure-was-built-of-imagination-1>

سنايات سلطان الموسى | إجابات رائعة لمحمد  
شحرور وفرج عودة :

<https://youtu.be/mcr9lt-Ra2U>

تم تحويل نص هذا المقال الى فيديو :

<https://youtu.be/Hrq5Sf1NPXk>